

Izveštaj o radu Uprave policije MUP-a Kantona Sarajevo za mjesec septembar 2020. godine

KRIMINALITET

STATISTIČKI POKAZATELJI

U mjesecu septembaru 2020. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 368 događaja sa obilježjem krivičnog djela (što je za 32 ili 9,5% više u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 150 ili 40,8% je evidentirano po poznatom izvršiocu, a 218 ili 59,2% po nepoznatom izvršiocu.

Od ukupno 218 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 48 ili 22% (15 događaja evidentirano u mjesecu septembaru, a 33 u ranijem periodu) što je za 8,4% manje u odnosu na uporedni mjesec.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 297 obavijesti (74 više) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU SEPTEMBRU 2020/19. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
SEPTEMBAR 2020. GODINE	368	150	218	48	33	191	4	114	86
SEPTEMBAR 2019. GODINE	336	178	158	48	19	220	12	145	121
<i>uporedba</i>	32	-28	60	0	14	-29	-8	-31	-35
	9,5%	-15,7%	38%	isto	73,7%	-13,2%	-66,7%	-21,4%	-28,9%

U toku mjeseca septembra ove godine prijavljeno je 191 lice (29 manje), od kojih je 114 povratnika (31 manje) (ili 59,7% od ukupnog broja prijavljenih lica), četiri maloljetnika (osam manje), a 86 lica je lišeno slobode (35 manje).

Za događaje sa obilježjem krivičnog djela, koji su evidentirani u mjesecu septembaru 2020. godine, prema izjavama oštećenih lica, nastupila je materijalna šteta u ukupnom iznosu od 1.000.718,85 KM.

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU SEPTEMBRU 2020/19. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a I BiH**

KZ FBiH-a i KZ BiH-a	SEPTEM BAR 2020. GODINE	SEPTEM BAR 2019. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv ustavnog poretka Federacije	1	0	1	---	1	0	0	---
Protiv života i tijela	15	15	0	isto	12	3	1	33%
Protiv slobode i prava čovjeka i građanina	15	16	-1	-6,3%	13	2	2	100%
Protiv spolne slobode i morala	1	1	0	0%	1	0	0	---
Protiv braka, porodice i mladeži	20	26	-6	-23,1%	20	0	0	---
Protiv zdravlja ljudi	37	53	-16	-30,2%	37	0	0	---
Protiv imovine	234	173	61	35,3%	28	206	44	21%
Protiv okoliša, poljoprivrede i prirodnih dob.	0	1	-1	----	0	0	0	---
Protiv opće sigurnosti ljudi i imovine	10	7	3	42,9%	4	6	1	17%
Protiv sigurnosti javnog prometa	9	7	2	28,6%	9	0	0	---
Protiv pravosuđa	1	0	1	---	1	0	0	---
Protiv javnog reda i pravnog prometa	13	21	-8	-38,1%	12	1	0	0%
Protiv podmićivanja i KD protiv službene i druge odgovorne funkcije	4	2	2	100%	4	0	0	---
Protiv privrede i jedinstva tržišta te kd iz oblasti carina (KZBiH)	0	5	-5	----	0	0	0	---
ZONDINOIM-a (Sl.novine Kantona Sarajevo br.01/18)	8	9	-1	-11,1%	8	0	0	---
UKUPNO	368	336	32	9,5%	150	218	48	22%

U mjesecu septembaru 2020. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 32 ili 9,5%. Najznačajnije povećanje je zabilježeno u oblasti protiv imovine (za 61 događaj), dok su smanjenja evidentirana u oblastima protiv zdravlja ljudi (za 16 događaja), javnog reda i pravnog prometa (za osam), braka, porodice i mladeži (za šest događaja), itd.

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom septembra 2020. godine evidentirano je 15 događaja sa obilježjem krivičnog djela iz oblasti protiv života i tijela (isto kao u mjesecu septembar 2019. godine) i to 12 po poznatom i tri po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) – dva događaja,
- ubistvo u pokušaju (član 166. U vezi člana 28. KZ FBiH) – jedan,
- teška tjelesna ozljeda (član 172. KZ FBiH) – šest,
- lahka tjelesna ozljeda (član 173. KZ FBiH) – pet,
- učestvovanje u tuči (član 174. KZ FBiH) - jedan događaj.

Nadležnom tužilaštvu podneseni su službeni izvještaji protiv 18 lica, od kojih je osam povratnika (ili 44,4%), a osam je lišeno slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 15 događaja sa obilježjem krivičnog djela (jedan manje) i to ugrožavanje sigurnosti za čije je izvršenje prijavljeno 16 lica, od kojih je deset povratnika (ili 62,5%), a dva su lišena slobode.

Događaji sa obilježjem krivičnog djela ugrožavanja sigurnosti počinjeni su na način gdje su izvršioци upućivanjem verbalnih prijetnji, pisanih - prijetećih poruka i sl. ugrozili sigurnost oštećenih lica.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu septembaru evidentirano je 20 događaja sa obilježjem krivičnog djela (šest manje) i to nasilje u porodici, za čije je izvršenje prijavljeno 20 lica, od kojih je 13 povratnika (ili 65%), a 15 je lišeno slobode.

PROTIV ZDRAVLJA LJUDI

Evidentirano je 37 događaja sa obilježjem krivičnog djela iz ove oblasti (16 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – jedan i
- posjedovanje i omogućavanje uživanja opojnih droga (čl. 239. KZ FBiH) – 36 događaja.

Nadležnom tužilaštvu podneseni su službeni izvještaji protiv 37 lica, među kojima je 18 povratnika (ili 48,6%) i 16 lica je lišeno slobode.

Policijски službenici Uprave policije MUP-a Kantona Sarajevo su Kantonalnom tužilaštvu Sarajevo podnijeli službeni izvještaj protiv H.S.(1983) zbog postojanja osnova sumnje da je u proteklom periodu u više navrata kupao opojnu drogu "Speed", na raznim lokalitetima, od za sada nepoznatih lica, istu prepakivao, a zatim vršio prodaju raznim konzumentima na području Kantona, čime bi počinio krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga) i protiv 36 lica koja su navodila druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Extazy", „Speed“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU SEPTEMBRU 2020/19. GODINE

VRSTA OPOJNE DROGE	SEPTEMBAR 2020.GOD	SEPTEMBAR 2019. GOD.
Marihuana (u gramima)	71,292	855
Marihuana (paketići)	9	22
Heroin (u gramima)	9	---
Amfetamin (paketići)	5	6
Amfetamin (u gramima)	42,127	25
Ecstasy (tablete)	12	130
Ecstasy (u gramima)	0,595	---
Speed (u gramima)	12,991	---
Speed (paketići)	8	---

PROTIV IMOVINE

U ovom mjesecu, evidentirana su 234 događaja sa obilježjem krivičnog djela protiv imovine (28 po poznatom i 206 po nepoznatom izvršioци) što je za 61 ili 35,3% više u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 133 (55 više),
- krađa (član 286. KZ FBiH) – 59 (11 više),
- razbojništvo (član 289. KZ FBiH) – 23 (osam manje),
- prijevarena (član 294. KZ FBiH) – pet (nije bilo ovih događaja),
- oštećenje tuđe stvari (član 293. KZ FBiH) – četiri (pet manje),
- teška krađa u pokušaju (član 287. u vezi člana 28. KZ FBiH) – tri (jedna više), itd.

Nadležnom tužilaštvu podneseni su službeni izvještaji protiv 51. lica, od kojih je 40 povratnika (ili 78,4%), a 22 su lišena slobode.

Od ukupno 206 događaja evidentiranih po nepoznatom izvršiocu iz oblasti protiv imovine naknadno su rasvijetljena 44 ili 21% što je za 10,1% manje u odnosu na septembar 2019. godine.

Tokom mjeseca septembra ove godine 57 teških krađa izvršeno je u stambene objekte (21 više), 40 u poslovne prostore (34 više), 16 u motorna vozila (otuđenja motornih vozila i “provale” u ista) (šest manje), itd.

Takođe, evidentirano je deset otuđenja motornih vozila, a pet je pronađeno i vraćeno vlasnicima (Uprava policije MUP-a KS – vratila je dva vozila, MUP RS-a – jedno i vlasnici – dva vozila).

Broj otuđenih motornih vozila u odnosu na uporedni mjesec smanjen je za tri ili 23,1%.

Evidentirano je 59 događaja sa obilježjem krivičnog djela krađe (11 više) i to: na ulici – 23 puta, u poslovnim prostorima – 12, u stambenim objektima - sedam, u haustorima stambenih zgrada – pet, u vozilima i na stajalištima GRAS-a – tri, itd. odakle su otuđivani mobiteli, novčanici, prehrambeni proizvodi, bicikli, alati, itd.

Evidentirano je devet događaja sa obilježjem krivičnog djela teških krađa na naročito opasan ili naročito drzak način (dva manje), u kojima su izvršiocu, upotrebom fizičke snage (otimanjem i trganjem) - šest puta i verbalnom prijetnjom u tri slučaja, otimali mobitele, novac i tašne, a evidentirani su: na ulici - šest puta, u sportskoj kladionici, banci i u prodavnici - po jedan. Nadležnom tužilaštvu podneseni su službeni izvještaji protiv dva lica, povratnika u činjenju krivičnih djela, koji su lišeni slobode.

U mjesecu septembaru ove godine evidentirana su 23 događaja sa obilježjem krivičnog djela razbojništva (osam manje).

Nadležnom tužilaštvu podneseni su službeni izvještaji protiv 12 lica, od kojih je 11 povratnika (ili 91,7%), a pet je lišeno slobode. Od ukupno 18 događaja razbojništava evidentiranih po nepoznatom izvršiocu, naknadno je rasvijetljeno 11 (deset događaja je iz ranijeg perioda) ili 61,1% (6,7% manje).

Razbojništva su izvršena prijetnjom upotrebe vatrenog oružja - devet puta, prijetnjom upotrebe noža ili drugog oštrog predmeta – pet i upotrebom fizičke snage – devet puta, a počinjena su u poslovnim prostorijama – devet puta, na ulici – šest, u sportskim kladionicama – četiri, u apotekama – dva, na benzinskoj pumpi i u kući – po jednom. Otudivani su mobiteli, novac, cigarete i nakit.

PROTIV OPĆE SIGURNOSTI LJUDI I IMOVINE

Iz ove oblasti evidentirano je 10 događaja (tri više) i to: - izazivanje opće opasnosti – osam, teška krivična djela protiv opće sigurnosti i ljudi i izazivanje opće opasnosti u pokušaju - po jedan događaj, a nadležnom tužilaštvu podneseni službeni izvještaji protiv četiri lica, od kojih su tri lišena slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru – sedam puta i u vjerskom objektu – jednom pri čemu je u dva slučaja aktivirana nepoznata eksplozivna, tri puta otvorenim plamenom izazvan je požar i u tri slučaja je upotrijebljeno vatreno oružje. Posljedice su samopovrijeđivanje jednog lica, nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je 13 događaja sa obilježjem krivičnog djela (osam manje) i to: nasilničko ponašanje i krivotvorenje isprave – po šest i napad na službenu osobu u vršenju poslova sigurnosti - jedan događaj.

Nadležnom tužilaštvu podneseni su službeni izvještaji protiv 18 lica od kojih je deset povratnika (ili 55,6%), a sedam lica je lišeno slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu septembru 2020. godine evidentirana su tri događaja sa obilježjem krivičnog djela, u kojima su učestvovala četiri maloljetna lica. U odnosu na isti mjesec 2019. godine smanjen je broj maloljetnih lica za 8 ili 66,7%, broj događaja sa obilježjem krivičnog djela smanjen je za 6 ili 66,7%. Prijavljeni maloljetnici su u dobi od 14 do 16 godina – dva, od 16 do 18 godina – dva.

STAROSNA DOB MALOLJETNIH LICA SEPTEMBAR 2020/2019. GODINU

MJESEC	od 14 do 16 god.	od 16 do 18 god.	ukupno
septembar 2020. godina	2	2	4
septembar 2019. godina	6	6	12

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca septembra 2020. godine na području Kantona Sarajevo evidentirana su dva događaja aktiviranja minsko-eksplozivnih sredstava (nije bilo u septembru 2019. godine) usljed čega je nastupila materijalna šteta. Preduzimaju se aktivnosti na rasvjetljavanju ovih slučajeva i pronalaženju učinilaca.

U toku septembra 2020. godine nije bilo evidentiranih slučajeva anonimnih dojava o postavljanju eksplozivnih naprava (jedna u septembru 2019. godine).

POŽARI

Tokom mjeseca septembra 2020. godine, na području Kantona Sarajevo registrovano je 17 požara (šest više u odnosu na isti mjesec prethodne godine), u kojima su dva lica lakše povrijeđena. Prema statističkim pokazateljima šest požara je izazvano zbog tehničkih nedostataka, dva su izazvana namjerno, jedan nehatom, dok uzroci osam požara spadaju u kategoriju ostalih.

Objekti registrovanih požara bili su:

- Saobraćajno sredstvo - sedam puta,
- Stambeni objekat – tri,
- Poslovni prostor – tri,
- Pomoćni objekat – dva,
- Ostali objekti - dva puta.

Zbog izazivanja požara nadležnom tužilaštvu podnesena su četiri službena izvještaja iz člana 323. KZ FBiH (izazivanje opće opasnosti).

SAMOUBISTVA

U mjesecu septembra 2020. godine na području Kantona Sarajevo registrovana su četiri samoubistva (dva više u odnosu na septembar prošle godine), koja su izvršena: vješanjem i upotrebom vatrenog oružja – po dva puta.

Samoubistva su izvršili muškarci starosti: 32, 45, 53 i 86 godina.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeta su dva pištolja, jedan nož, 29 komada municije raznog kalibra, itd.

Tokom mjeseca septembra ove godine fizičkim licima izdato je 166 odobrenja za nabavku vatrenog oružja i 182 oružna lista.

JAVNI RED I MIR

U toku mjeseca septembra 2020. godine u oblasti javnog reda i mira evidentirana su 284 prekršaja (30 ili 9,5% manje u odnosu na isti mjesec 2019. godine), a za izvršenje navedenih prekršaja prijavljeno je 321 lice (10 ili 3% manje), od čega je 38 povratnika u činjenju prekršaja.

Zbog učinjenih prekršaja u oblasti javnog reda i mira izdato je 206 naloga i podneseno je 78 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 270 prekršaja (ili 95,1%), a na prekršaje koji su utvrđeni Odlukom općinskih vijeća o javnom redu i miru 14 (ili 4,9%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (158), između 26 i 35 godina (129) i 19 i 25 godina (34).

Prilikom narušavanja javnog reda i mira u mjesecu septembru 2020. godine, nije bilo teže povrijeđenih lica (isto kao u septembru 2019. godine), dok je 10 lica (pet manje) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC SEPTEMBAR 2020/2019.GODINA

STRUKTURA PREKRŠAJA	septembar 2020.	septembar 2019.	+ - %
UKUPNO prekršaja	284	314	-30 ili 9,5%
UKUPNO lica	321	331	-10 ili 3%
Prekršaji prema Zakonu JRiM:	270	288	-18 ili 6,2%
<i>-Tuča</i>	38	36	+2 ili 5,5%
<i>-Naročito drsko ponašanje</i>	48	25	+23 ili 92%
<i>-Odbijanje naređenja i omalovažavanje pol. služb.</i>	24	37	-13 ili 35,1%
<i>-Prosjačenje</i>	73	126	-53 ili 42,1%
<i>-Uživanje opojne droge na javnom mjestu</i>	4	4	isti broj
<i>-Svađa, vika, nepristojno ponašanje</i>	10	8	+2 ili 25%
<i>-Ostali prekršaji</i>	73	52	+21 ili 40,4%
Prekršaji prema Odluci općinskih vijeća o JRM	14	26	-12 ili 46,1%

Iz tabelarnog pregleda vidljivo je, da je tokom mjeseca septembra 2020. godine, u odnosu na septembar prethodne godine prema strukturi prekršaja povećan broj prekršaja:

- naročito drskog ponašanja za 23 ili 92%,
 - ostali prekršaji za 21 ili 40,4%,
 - svađa, vika, nepristojno ponašanje za dva ili 25%;
- dok je smanjen broj prekršaj evidentiranih u oblasti:
- prosjačenja za 53 ili 42,1%
 - odbijanja naređenja i omalovažavanje policijskih službenika za 13 ili 35,1% i
 - prekršaja koji su regulisani Odlukom općinskih vijeća za 12 ili 46,1%.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (260 ili 91,5% od ukupnog broja), a znatno manje u ugostiteljskim objektima (četiri ili 1,4%), a na ostalim mjestima 20 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC SEPTEMBAR 2020/2019. GODINE

MJESTO IZVRŠENJA	SEPTEMBAR 2020.	SEPTEMBAR 2019.	+ - %
Ulica i drugi otvoreni prostor	260	272	-12 ili 4,4%
Ugostiteljski objekti	4	10	-6 ili 60%
Vozila javnog saobraćaja	---	1	-1
Škole i školska dvorišta	---	1	-1
Trgovine i zanatske radnje	---	9	-9
Ostala mjesta	20	21	-1 ili 4,8%
UKUPNO	284	314	-30 ili 9,5%

U odnosu na isti mjesec 2019. godine, smanjen je broj prekršaja evidentiranih na ulicama i drugim otvorenim prostorima za 12 ili 4,4%, u trgovinama i zanatskim radnjama za devet, u ugostiteljskim objektima za šest ili 60%, u vozilima javnog saobraćaja, u školama i školskim dvorištima i na ostalim mjestima za jedan prekršaj.

Na području Kantona Sarajevo u mjesecu septembru 2020. godine održano je 285 javnih skupova (devet ili 3,1% manje u odnosu na mjesec septembar 2019. godine). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 11 slučajeva izvršeno je KDZ osiguranje.

SAOBRAĆAJ

Na području Kantona Sarajevo u mjesecu septembru 2020. godine u odnosu na isti mjesec prethodne godine smanjen je ukupan broj saobraćajnih nezgoda, nezgoda sa materijalnom štetom i broj nastradalih lica, dok je broj nezgoda sa nastradalim licima povećan.

Registrovana je 681. saobraćajna nezgoda (132 ili 16,2 % manje), od čega je 606 sa materijalnom štetom (136 ili 18,3 % manje) i 75 sa nastradalim licima (četiri ili 5,6 % više).

Tokom mjeseca septembra 2020. godine u saobraćajnim nezgodama na području Kantona Sarajevo jedno lice je poginulo (dva ili 66,7 % manje), dok je 95 lica povrijeđeno (četiri ili 4 % manje), od čega 13 teže i 82 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC SEPTEMBAR 2020./19. GODINE

	sep. 2020.	sep. 2019.	+ , - , %
UKUPNO SAOBRAĆAJNIH NEZGODA	681	813	- 132 ili 16,2 %
Saobraćajne nezgode sa nastradalim licima	75	71	+ 4 ili 5,6 %
Saobraćajne nezgode sa materijalnom štetom	606	742	- 136 ili 18,3 %
POGINULO LICA	1	3	- 2 ili 66,7 %
- vozači	0	1	- 1
- putnici	0	2	- 2
- pješaci	1	0	+ 1
POVRIJEĐENO LICA	95	99	- 4 ili 4 %
- vozači	55	55	-----
- putnici	18	33	- 15 ili 45,4 %
- pješaci	22	11	+ 11 ili 100 %

U naselju je registrovano 630 saobraćajnih nezgoda (jedna sa poginulim, 68 sa povrijeđenim licima i 561. sa materijalnom štetom), van naselja 51. nezgoda (šest sa povrijeđenim licima i 45 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU SEPTEMBRU 2020. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	1	11	57	561	630	1	12	75
van naselja		1	5	45	51		1	7
UKUPNO	1	12	62	606	681	1	13	82

Prema kategoriji puta, najveći broj saobraćajnih nezgoda registrovan je:

- na ulicama u naselju – 410 nezgoda u kojima je 31. lice nastradalo (jedno lice poginulo, 30 lica povrijeđeno, devet teže i 21. lakše),
- na magistralnim putevima – 103 nezgode u kojima je 30 lica povrijeđeno (četiri teže i 26 lakše),
- na regionalnim putevima – 56 (12 lica lakše povrijeđeno),
- na lokalnim putevima – 44 (pet lica lakše povrijeđeno),
- na putevima koji se ubrajaju u kategoriju ostalih – 68 (18 lica lakše povrijeđeno).

POSLJEDICE SAOBRAĆAJNIH NEZGODA

U saobraćajnim nezgodama tokom mjeseca septembra 2020. godine, nastradalo je 96 lica (šest ili 5,9 % manje). Jedno lice je poginulo¹ (dva ili 66,7 % manje), dok je 95 lica povrijeđeno (četiri ili 4 % manje), od čega 13 teže (tri manje) i 82 lakše (jedno manje).

STEPEN POVREDA UČESNIKA U SAOBRAĆAJNIM NEZGODAMA

- Vozači : 55 vozača je povrijeđeno: osam teže i 47 lakše,
- Putnici: 18 putnika je povrijeđeno: dva teže i 16 lakše,
- Pješaci: 22 pješaka su povrijeđena: tri teže i 19 lakše.

Starosna struktura nastradalih lica u saobraćajnim nezgodama je slijedeća:

- od 6 do 14 godina – sedam lica,
- od 15 do 20 godina – četiri,
- od 21 do 24 godine – devet,
- od 25 do 30 godina – 16,
- od 31 do 40 godina – 32,
- od 41 do 50 godina – 12,
- od 51 do 65 godina – devet,
- 66 i više godina – šest,
- nepoznata starosna dob – jedno lice.

Starosna struktura nastradalih vozača u saobraćajnim nezgodama je slijedeća:

- od 18 do 23 godine – osam,
- od 23 do 30 godina – devet,
- od 30 do 40 godina – 23,
- od 40 do 50 godina – devet,
- od 50 do 60 godina – dva,
- 60 i više godina – tri,
- nepoznata starosna dob – jedno lice.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 556 (64 lica povrijeđena, 10 teže i 54 lakše),
- neprilagođena brzina – 115 (26 lica povrijeđeno, tri teže i 23 lakše),
- uticaj alkohola – 10 (jedno lice poginulo, pet lica lakše povrijeđeno).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca septembra 2020. godine, policijski službenici Uprave policije MUP-a Kantona Sarajevo kontrolisali su:

- 17.217 vozila i vozača (520 više),
- 10.015 lica u vozilima (5.885 više)
- pregledali 257 vozila (95 više) i 257 lica u vozilima (141 više).

Zbog tehničke neispravnosti iz saobraćaja su isključena 23 vozila (dva manje), 200 vozača je zatečeno da upravljaju vozilom pod dejstvom alkohola (40 manje), 447 bez korištenja sigurnosnog pojasa (92 više), 235 bez položenog vozačkog ispita (45 više), 74 pod izrečenom zaštitnom mjerom (28 više), 359 vozača je zatečeno da koriste mobitel tokom vožnje (32 više) i 429 vozila je učestvovalo u saobraćaju bez važeće registracije (136 manje).

Zbog kršenja propisa iz oblasti sigurnosti saobraćaja uručena su 16.944 prekršajna naloga vozačima (1.189 ili 6,5 % manje u odnosu na septembar prošle godine) i podneseno 319 zahtjeva za pokretanje prekršajnog postupka (214 ili 203,8 % više).

MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca septembra 2020. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 7.136 prekršajnih naloga (487 više), upozoreno je 250 vozača (51 manje), a specijalnim vozilom "pauk" premješteno je 151. vozilo (29 manje).

Takođe, pješacima koji su kršili propise uručeno je 90 prekršajnih naloga (158 manje), a upozoren je 141 pješak (114 više).

ZAKONITOST U RADU

Tokom mjeseca septembra 2020. godine, registrovana su četiri pojedinačna napada (isto kao u mjesecu septembru 2019. godine) na policijske službenike Uprave policije MUP-a KS. U napadima su učestvovala tri punoljetna lica koja su koristila fizičku snagu i jedno za sada neidentifikovano lice koje je putničkim motornim vozilom pokušalo udariti policijskog službenika.

Policijski službenici Uprave policije su u mjesecu septembru 2020. godine u sedam slučajeva upotrijebili silu. Pet upotreba sile je opravdano, dok je u dva slučaja postupak pravedan upotrebe sile u toku.

Tokom mjeseca septembra 2020. godine, razmatrano je 36 predstavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za devet predstavki (dvije manje) provede unutrašnja istraga, za 16 predstavki je odlučeno da se izvrše provjere i prikupi dokumentacija, za 10 da su neosnovane, dok je u jednom slučaju predstavka pripojena unutrašnjoj istrazi.

Od 36 razmatranih predstavki, 31. je podnesena od strane građana, dok pet predstavki predstavljaju saznanja iz službe.

Okončane su 22 unutrašnje istrage, od čega je devet bilo bez dovoljno dokaza, pet je osnovanih, četiri istrage su neosnovane, u dva slučaja stranka je odustala od žalbe, dok je u dva slučaja istraga okončana ocjenom oslobađajuća.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti, mjere i radnje, vezane za pandemiju „Koronavirusa“ (COVID-19). S tim u vezi konstantno je vršen obilazak lica kojima je izrečena mjera ograničenog kretanja, kontrola ugostiteljskih objekata, obilazak osnovnih i srednjih škola na području Kantona Sarajevo i JU „Dom zdravlja Kantona Sarajevo“.

Policajci u zajednici Uprave policije MUP-a Kantona Sarajevo su tokom mjeseca septembra ove godine ostvarili brojne kontakte sa građanima iz reda romske populacije i migrantima čime su preventivno djelovali na pojavu narušavanja javnog reda i mira prosjačenjem i činjenja krivičnih djela krađa i drskih krađa a koje često proizilaze iz istog.

Tokom mjeseca septembra 2020. godine realizovane su i sljedeće aktivnosti:

- Prisustvovanje radionici za obuku voditelja za implementaciju programa „Socijalizacija s pravom“ u organizaciji „PH International“ Ured u BiH,
- Prisustvovanje i pomoć u realizaciji manifestacije utrka „Skakavac trail“,
- Prisustvovanje i pomoć u realizaciji manifestacije „Jesenji AUTO-SHOW“,

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo, u mjesecu septembru 2020. godine, u prihvatnim, azilantskim i imigracionim centrima boravi cca 3.095 migranata.

Tokom mjeseca septembra 2020. godine migranti su učestvovali u osam događaja sa obilježjem krivičnog djela i to:

- ubistvo (čl. 166. KZ FBiH)- jedan događaj,
- ubistvo u pokušaju (čl. 166. u vezi člana 28. KZ FBiH)- jedan,
- teška tjelesna ozljeda (čl. 172. KZ FBiH) – jedan događaj,
- posjedovanje i omogućavanje uživanja opojnih droga (čl. 239. KZ FBiH) – dva,
- krađa (čl. 286. KZ FBiH) – dva i
- razbojništvo (čl. 289. KZ FBiH)- jedan događaj.

Policijski službenici Uprave policije MUP-a Kantona Sarajevo su u mjesecu septembru 2020. godine proveli ukupno 12 akcija, kontrolisali 1.671 migranta, od čega 95 nije posjedovalo registracijski obrazac, 40 je upućeno, a 15 predato službi za poslove sa strancima radi registracije i 81 migranat je smješten u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC SEPTEMBAR 2020. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	3.095
UKUPAN BROJ KONTROLISANIH MIGRANATA	1.671
BROJ MIGRANATA LIŠENIH SLOBODE	6
BROJ KRIVIČNIH DJELA POČINJENIH OD STRANE MIGRANATA	6
BROJ PREKRŠAJA POČINJENIH OD STRANE MIGRANATA	5
BROJ INCIDENATA POČINJENIH OD STRANE MIGRANATA	35
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	13
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	116

Sarajevo, 14.10.2020. godine

Odjeljenje za odnose s javnošću